

Resolución do Vicerreitor de Titulacións e Internacionalización de 19 de maio de 2025, pola que se convoca o programa “Mentoring STEMBach UDC” para o recoñecemento de créditos por actividades formativas relacionadas coas competencias nucleares da UDC para o curso 2024-2025.

I.- PREAMBULO

De acordo co disposto na normativa mediante a que se establece o procedemento para o recoñecemento académico de créditos pola participación en actividades universitarias nos graos da UDC, aprobada por acordo do Consello de Goberno do 27/04/2023, a resolución reitoral do 23/11/2023 pola que se establecen as actividades polas que se recoñecen créditos nos estudos de grao, pola participación en actividades universitarias de cooperación, solidarias, culturais, deportivas, e de representación estudantil establece nos seus anexos I e II as actividades universitarias susceptibles de recoñecemento académico en créditos, de acordo co disposto no artigo 10.9.c) do Real Decreto 822/2021, do 28 de setembro, polo que se establece a organización das ensinanza universitarias e do procedemento de aseguramento da súa calidade.

O convenio de colaboración entre a Consellería de Cultura, Educación, Formación Profesional e Universidades e a Universidade da Coruña para o desenvolvemento do bacharelato de excelencia STEM (STEMbach) no marco da estratexia educación dixital2030, na cláusula cuarta establece os beneficios para o alumnado matriculado na UDC que acredite que obtivo o título de STEMBach dende o curso 2019-2020 en diante e que se inscriba e participe no Programa Mentoring STEMBach da UDC.

Nesta resolución convócase o programa Mentoring STEMBach UDC para o curso 2024-2025, onde se regulan os requisitos de acceso, as actividades a desenvolver, o prazo de solicitude para a participación no programa, a avaliación e os efectos académicos da superación do programa.

II.- ACCESO O PROGRAMA

1. Poderá acceder o programa Mentoring STEMBach UDC o alumnado matriculado na UDC que acredite que obtivo o título de STEMBach dende o curso 2019-2020 en diante.
2. O alumnado deberá acreditar que cursou STEMBach mediante a presentación do seu historial académico de bacharelato emitido polo centro onde o estudou.

III.- ACTIVIDADES A DESENVOLVER DENTRO DO PROGRAMA

1. As actividades a desenvolver no programa consistirán na participación en tarefas de apoio ó estudantado que se encontre cursando o Bacharelato STEMBach baixo a dirección dalgún PDI do centro (Facultade ou Escola) da UDC na que estea realizando os seus estudos de grao, na participación nas xornadas de benvinda da UDC, colaboración nas xornadas de portas abertas dos centros da UDC ou en actividades divulgativas que promova ou nas que participe a UDC.

Código Seguro De Verificación	JAcB77zVnSF+L8HX0nqCPg==	Estado	Data e hora
Asinado Por	Vicerreitor de Titulacións e Internacionalización - Moisés Canle López	Asinado	19/05/2025 14:12:41
Observacións		Páxina	1/2
Url De Verificación	https://sede.udc.gal/services/validation/JAcB77zVnSF%2BL8HX0nqCPg%3D%3D		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



IV.- PRAZO E FORMA DE INSCRICIÓN NO PROGRAMA.

1. O prazo de inscrición no programa será ate o 26 de maio de 2025.
2. A solicitude de inscrición realizarase mediante o formulario disposto a tal efecto na páxina web STEMbach UDC cuxo enlace se achega a continuación: <https://forms.office.com/e/y70vW4DWRQ>
3. A solicitude de inscrición deberase de acompañar do documento acreditativo de teres cursado o bacharelato STEMbach, segundo mencionado no apartado II.2 desta convocatoria.

V.- AVALIACIÓN

1. A avaliación das actividades realizadas corresponderalle o coordinador STEMbach da UDC previo informe dos coordinadores/as das actividades a realizar.
2. Para obter unha cualificación de APTO, será necesaria a participación activa nas actividades que se lle asignen dentro das mencionadas no apartado III desta convocatoria.

VI.- EFECTOS ACADÉMICOS DA ACTIVIDADE

1. Ó remate do programa o/a vicerreitor/a con competencias en titulacións acreditará documentalmente a superación do programa para aqueles alumnos que obtiveran unha cualificación de APTO no desenrolo das actividades asignadas.
2. A avaliación positiva na realización das actividades do programa permitirá, no caso de avaliación positiva das actividades realizadas, o recoñecemento de 1,5 créditos ECTS por curso académico nas titulacións de grao ate un máximo de 6 ECTS ao abeiro do artigo 10.9.c) do Real Decreto 822/2021, do 28 de setembro.

Na data de sinatura dixital

O vicerreitor de Titulacións e Internacionalización

Código Seguro De Verificación	JAcB77zVnSF+L8HX0nqCPg==	Estado	Data e hora
Asinado Por	Vicerreitor de Titulacións e Internacionalización - Moisés Canle López	Asinado	19/05/2025 14:12:41
Observacións		Páxina	2/2
Url De Verificación	https://sede.udc.gal/services/validation/JAcB77zVnSF%2BL8HX0nqCPg%3D%3D		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

